




## Մ Ա Յ Ր Ա Թ Ո Ռ Ո Ւ Մ

**Մայիսի 24-ին, կիրակի.—Ա կիրակի զկնի Հոգեգայտեան: Սկիզբն Յարութեան կիրակեից: Յիշատակ Եղիայի մարգարէին.**

Մայր տաճարում պատարագ է մատուցում տ. Հակոբ քին. Հակոբյանը:

\*  
\* \*

**Մայիսի 25-ին, երկուշաբթի.—Տօն սրբոց Կուսանացն Հռիփսիմեանց.**

Ս. Հռիփսիմեի տաճարում պատարագ է մատուցում տ. Ծնորհք վրդ. Գասպարյանը և քարոզում «Անձինք նուիրեալք սիրոյն Քրիստոսի... Եւ կուսանք իմաստունք» բնաբանով:

Հավարտ ա. պատարագի տեղի է ունենում հոգեհամգատյան արարողություն՝ ա. Հռիփսիմեի տաճարի բարեբար, միլանաբնակ Երվանդ Հյուսիսյանի գերդաստանի բոլոր ննջեցյալների հոգիների համար:

\*  
\* \*

Նույն օրը, երեկոյան ժամը 5.30-ին, Փառիզից Մայր Աթոռ է վերադառնում տ. Հայկազուն արքեպ. Աբրահամյանը, որը որպէս հայրապետական շքախմբի անդամ ուղեկցել էր Վեհափառ Հայրապետին դէպի Հոռն:

Սրբազան հորը դիմավորելու էին գնացել օղանալակալան տ. Մամբրե վրդ. Մարգարյանը և Արարատ սրկ. Գալստյանը:

\*  
\* \*

**Մայիսի 26-ին, երեքշաբթի.—Տօն սրբոց Կուսանացն Գայիանեանց.**

Ս. Գայանեի տաճարում պատարագում է տ. Նշան քին. Բելլերյանը և քարոզում՝ տ. Ծնորհք վրդ. Գասպարյանը՝ «Ո՛վ զգաստութեան իմաստուն կուսանացն... ինքեանք ելին և աչոյց ցոցին զճանապարհս ցանկալի» բնաբանով:

Հավարտ ա. պատարագի տեղի է ունենում հոգեհամգատ՝ եկեղեցու բարեբարների ննջեցյալների հոգիների համար:

\*  
\* \*

**Մայիսի 28-ին, հինգշաբթի.—Տօն սրբոցն Հովհաննոս Կարապետին և Աթանագիեանց եպիսկոպոսին.**

Ս. Ծողակաթի եկեղեցում պատարագ է մատուցում տ. Ծնորհք վրդ. Գասպարյանը և քարոզում «Նա էր ճրագն որ լուցեալ էր և ծագէր, և դուք կամեցարուք ցնծալ առ ժամանակ մի ի լոյս նորա» բնաբանով:

Հավարտ ա. պատարագի տեղի է ունենում հոգեհամգատ՝ երանաշնորհ Տ. Տ. Նահապետ կաթողիկոսի և եկեղեցու բարեբար Ս. Գալենտերյանի գերդաստանի ննջեցյալների հոգիների համար:

\*  
\* \*

**Մայիսի 30-ին, շաբաթ.—Տօն սրբոյն Գրիգորի Լուսաւորչին մերոյ ելն ի Վիրապէն.**

Մայր տաճարում, Իջման ա. սեղանի վրա, պատարագ է մատուցում տ. Մկրտիչ ալազ քին. Բամադեյանը:

\*  
\* \*

**Մայիսի 31-ին, կիրակի.—Բ կիրակի զկնի Հոգեգայտեան: Տօն Կաթողիկէ Էջմիածնի.**

Մայր Աթոռի մեծ տոնի առիթով Մայր տաճարում, Ալազ սեղանի վրա, պատարագ է մատուցում տ. Գևորգ վրդ. Սերալդարյանը:

Հավարտ ա. պատարագի Իջման ա. սեղանի առաջ քարոզում է տ. Հայկազուն արքեպ. Աբրահամյանը՝ «Բանգի ի սմա ծագեաց մեզ լոյս ի Հայաստան աշխարհի» բնաբանով:



Ապա տեղի է ունենում հայրապետական հանդիսավոր մաղթանք՝ հավատացյալների հոծ բազմության ներկայությամբ:

**Հունիսի 7-ին, կիրակի.—Գ կիրակի զկնի Հոգեգալստեան.**

Մայր տաճարում ս. պատարագ է մատուցում տ. Մուշեղ վրդ. Պետիկյանը:

**Հունիսի 8—11 օրերին** հոգևոր ճեմարանի ուսանողները, տեսչի և դասախոսական կազմի գլխավորությամբ, քառօրյա ուխտագնացություն կատարեցին դեպի Սևանի, Հաղարծնի, Գոշավանքի վանքերը:

**Հունիսի 8-ին, երկուշաբթի.—Այսօր** Մայր Աթոռ ժամանեցին արժ. տ. Հովհաննես քին. Մարությանը և տ. Ռուբեն քին. Մարտիրոսյանը, որոնք Վեհափառ Հայրապետի կարգադրությամբ մասնակցել էին Ամերիկայի Միացյալ Նահանգների արևելյան թեմի հոգեվորականց համագումարին:

**Հունիսի 14-ին, կիրակի.—Դ կիրակի զկնի Հոգեգալստեան.**

Մայր տաճարում ս. պատարագ է մատուցում տ. Հակոբ քին. Հակոբյանը:

**Նույն օրը**, երեկոյան ժամը 8.30-ին, հոգեվոր ճեմարանի հանդիսությանց դահլիճում տեղի է ունենում հավաքույթ. տ. Հովհաննես քին. Մարությանը ուսանողությանը պատմում է ԱՄՆ կատարած իր այցելության մտպավորությունների և հուշերի մասին:

**Հունիսի 18-ին, հինգշաբթի.—Սրբոց Թարգմանչացն մերոց Սահակայ և Մեսրոպ-բայ:**

Հանդիսավոր ս. պատարագ է մատուցում Օշականի եկեղեցում Արարատյան թեմի առաջնորդական փոխանորդ տ. Վահան եպս. Տերյանը և քարոզում ս. Սահակի և ս. Մեսրոպի կատարած մշակութային-հայրենասիրական մեծ գործունեության մասին:

Հավարտ ս. պատարագի տեղի է ունենում հոգեհանգիստ՝ եկեղեցու վերանորոգության

քարերարներ Հ. և Թ. Ղազարության և Պ. Ալեքսյան գերդաստանների ննջեցյալների հոգիների համար:

**Հունիսի 21-ին, կիրակի.—Ե կիրակի զկնի Հոգեգալստեան: Գիտ տփոյ Սրբուհոյ Աստուածածնի.**

Մայր տաճարում ս. պատարագ է մատուցում տ. Ծնորին վրդ. Գաապարյանը:

«Հայր մեր»-ից առաջ քարոզում է Վեհափառ Հայրապետը՝ Իր՝ Հոռն, Ֆրանսիա և Լիսաբոն կատարած այցելությունների հոգեվոր, պատմական նշանակության մասին:

**Հունիսի 22-ին, երկուշաբթի.—Այսօր** առավոտյան ժամը 12-ին Մայր տաճար են այցելում Խաչանիսի Կարմիր խաչի պրեզիդենտ Քելպո Դե Լյուննին, փոխ-պրեզիդենտ Վիլյանուս Ադիլյունին և Մադրիդի Կարմիր խաչի պրեզիդենտ Գեմալո Մորա Ի Արտագոնին:

Ապա Վեհափառ Հայրապետը Վեհաբանում ընդունում է այցելուներին և զրույց ունենում՝ ջերմ մթնոլորտում:

**Հունիսի 24-ին, չորեքշաբթի.—Երեկոյան** ժամը 19-ին Վեհաբանում տեղի է ունենում հավաքույթ, որին մասնակցում են Գերագույն հոգևոր խորհրդի և միաբանության անդամները, «Էջմիածին» ամսագրի խմբագրական կազմը: Վեհափառ Հայրապետի 9-րդ ողևորության ժամանակ շքախմբի անդամ և Մայր Աթոռի միջեկեղեցական հարաբերությունների բաժնի վարիչ Պարզև Ծախբազյանը շուրջ 50 րոպե խոսում է Հայոց Հայրապետի Հոռն, Ֆրանսիա և Լիսաբոն կատարած այցելությունների հոգևոր, պատմական և հայրենասիրական նշանակության մասին:

Հավաքույթը եզրափակում է Վեհափառ Հայրապետը՝ շեշտելով նման ողևորության մեծ նշանակությունը մեր եկեղեցու և մեր ժողովրդի համար:

**Հունիսի 29-ին, երկուշաբթի.—Երեկոյան** ժամը 19-ին, Վեհափառ Հայրապետի նախագահությամբ, Վեհաբանում գումարվում է Գերագույն հոգևոր խորհրդի հերթական նիստը:



**Հունիսի 29-ին, երկուշաբթի.**—Այսօր ուխտավորաբար Մայր Աթոռ ժամանեց Մելքունի հայոց հոգևոր հովիվ տ. Ոսկան վրդ. Գալբակյանը:

**Հուլիսի 5-ին, կիրակի.**—Վարդավառ: Պաշտականությունից Տեառն մերոյ Յիսուսի Քրիստոսի.

Մայր տաճարում, Ավագ սեղանի վրա, պատարագում է տ. Ոսկան վրդ. Գալբակյանը և քարոզում՝ «Որ ի լերինն ալակերպեալ ցուցեր զաստուածային Քո զօրութիւնդ» բնաբանով:

Ս. պատարագին ներկա էր Վեհափառ Հայրապետը:

**Հուլիսի 6-ին, երկուշաբթի.**—Մեռելոց.

Մայր տաճարում ս. պատարագ է մատուցում տ. Խորեն վրդ. Էլչունյանը: Հավարտ պատարագի տեղի է ունենում հոգեհանգրստյան արարողություն՝ համորեն ննջեցյալների համար:

Ս. պատարագի երգեցողությունը կատարում են հոգևոր ճեմարանի սաները:

**Հուլիսի 7-ին, երեքշաբթի.**—Ռոստովի հայոց եկեղեցու հոգևոր հովիվ տ. Գրիգորիս արքեպ. Բունիաթյանը Մայր Աթոռ ժամանեց՝ եկեղեցական-համայնքային հարցերով:

**Հուլիսի 12-ին, կիրակի.**—Բ կիրակի.

Մայր տաճարում պատարագում և քարոզում է Ռոստովի հայոց եկեղեցու հոգևոր հովիվ տ. Գրիգորիս արքեպ. Բունիաթյանը:

Ս. պատարագին ներկա էր Վեհափառ Հայրապետը:

**Հուլիսի 15-ին, չորեքշաբթի.**—Այսօր Լոնդոնի հայոց ս. Սարգիս եկեղեցու հոգևոր հովիվ տ. Արսեն վրդ. Բերբերյանը ուխտավորաբար ժամանում է ս. Էջմիածին:

**Հուլիսի 20-ին երկուշաբթի.**—Գ կիրակի. Մայր տաճարում պատարագ է մատուցում Լոնդոնի հայոց ս. Սարգիս եկեղեցու հոգևոր հովիվ տ. Արսեն վրդ. Բերբերյանը և քարոզում՝ «Զի ուր գանձք ձեր են, անդ և սիրտք ձեր եղիցին» բնաբանով:

**Հուլիսի 21-ին, երեքշաբթի.**—Երեկոյան ժամերգությունից հետո, Վեհափառ Հայրապետի բարեհաճ արտոմությամբ, Մայր տաճարի լուսարարապետ տ. Հայկազուն արքեպ. Աբրահամյանը Իջման ս. սեղանի առաջ ծայրագույն վարդապետական իշխանություն շնորհեց Մելքունի հայոց հոգևոր հովիվ տ. Ոսկան վրդ. Գալբակյանին՝ խարտավիակությամբ տ. Գևորգ վրդ. Սերայդարյանի:

**Հուլիսի 21-ին, երեքշաբթի.**—Այսօր Մայր Աթոռ այցելեց Հայաստանում հյուրընկալվող Ավստրիայից մի պատվիրակություն, որին գլխավորում էր Ֆորաուլթերգի երկրամասի պրեմիեր-մինիստրի տեղակալ Հերտլդ Ռատ-ցը:

Էջմիածնում ավստրիացի հյուրերը եղան Մայր տաճարում և եկեղեցական արվեստի թանգարանում:

Այնուհետև Վեհաբանում հարգարժան հյուրերին ընդունեց Ամենայն Հայոց Վեհափառ Հայրապետը և ջերմ զրույց ունեցավ նրանց հետ:

